

Karnival Pendidikan TTB buka peluang pelajar

KUALA TERENGGANU

- Karnival Pendidikan Transformasi Terengganu Baharu (TTB) yang diadakan di Dewan Terbuka Majlis Agama Islam dan Adat Melayu Terengganu (Maidam) semalam, berjaya menarik perhatian pelajar dan lepasan sekolah.

Karnival sehari anjuran Yayasan Terengganu (YT) itu bertujuan meminimumkan bilangan anak Terengganu yang gagal meneruskan pengajian ke peringkat lebih tinggi.

Pengarah YT, Mohamad Sulong berkata, ia memberi peluang kepada golongan muda untuk mencari institusi pengajian yang bersetujuan dengan mereka untuk melanjutkan pelajaran dalam pelbagai bidang.

"Fokus utama program ialah memberi penerangan, khidmat nasihat tentang peluang kedua dan pendaftaran terbuka untuk memasuki mana-mana IPT."

"Sebanyak 36 IPTA, IPTS



WAN NADIRAH AYUNI

dan pusat latihan kemahiran menyertai karnival ini bagi mempromosikan program pengajian yang ditawarkan," katanya.

Menurut Mohamad, melalui karnival ini juga, lepasan SPM dan STPM khususnya berpeluang mendapat penjelasan mengenai sebab kegagalan mereka dan mengapa tidak mendapat tempat untuk kesmasukan di IPT.

"Mereka juga diberitahu cara yang betul berkaitan proses rayuan, maklumat lanjut tentang peluang penajaan dan



Booth dari Universiti Sultan Zainal Abidin (Unisza) di Karnival Pendidikan TTB di Dewan Terbuka Maidam dikunjungi bekas pelajar SPM.

pembentukan pelajaran dan

perbiayaan selain kaunseling pendidikan," katanya.

Sementara itu, tinjauan kebanyakkan pelajar berpuas hati dengan pengajuran karni-

val berkenaan yang disifatkan amat bermanfaat.

Bagi bekas pelajar SMA Khairiah, Wan Nadirah Ayuni Wan Baharom, 18, berka-

ta, karnival tersebut sangat membantunya mendapatkan maklumat mengenai peluang untuk menyambung pengajian ke peringkat lebih tinggi.

"Saya dapat tahu mengenai karnival ini daripada guru saya dan datang ke sini dengan di temani rakan-rakan."

"Saya lebih yakin untuk membuat pilihan setelah meneliti segala maklumat dan penjelasan daripada IPT yang mengambil bahagian," katanya yang berhasrat untuk menyambung pengajian dalam bidang elektrik dan elektronik di politeknik.

Manakala, bagi Wan Afiq Muhammin, 18, karnival itu secara tidak langsung dapat memberi peluang kedua kepada lepasan sekolah memandangkan masih ada yang belum mendapat peluang melanjutkan pelajaran.

"Melalui karnival sebegini, ia memberi peluang kedua se kali gus memudahkan saya serta rakan untuk mendapatkan maklumat lanjut mengenai kursus-kursus yang ditawarkan oleh IPT," kata bekas pelajar SM Teknik Terengganu ini.